



SONRÚCHÁN POIST

Léachtóir/Ollamh Cúnta Fiontar agus Scoil na Gaeilge Dámh na nDaonnachtaí agus na nEolaíochtaí Sóisialta Conradh ar Théarma lánaimseartha

Ollscoil Chathair Bhaile Átha Cliath

Ollscoil óg, uaillmhianach, bhríomhar is ea Ollscoil Chathair Bhaile Átha Cliath (www.DCU.ie) a bhfuil de mhisean aici 'an saol agus an tsochaí a chlaochlú tríd an oideachas, taighde, nuálaíocht agus rannpháirtíocht'. Is fearr eolas uirthi in Éirinn mar 'Ollscoil na Fiontraíochta agus an Chlaochlaithe', agus tá sí tiomanta do chothú na tallainne, mar aon le haimsiú agus aistriú an eolais chun leas na sochaí agus an gheilleagair a chur chun cinn.

Tá os cionn 20,000 mac léinn ag Ollscoil Chathair Bhaile Átha Cliath i gcúig dhámh atá scaipte ar thrí champas acadúla i gceantar Ghlas Naíon-Droim Conrach i dTuaisceart Bhaile Átha Cliath. A bhfuil lena cur chuige nuálach i leith an teagaisc agus na foghlama, cuireann an Ollscoil 'eispéireas trasfhoirmeach mac léinn' ar fáil a chuidíonn le céimithe a bhfuil an-tóir orthu a fhorbairt. Faoi láthair tá Ollscoil Chathair Bhaile Átha Cliath ar an Ollscoil is fear in Éirinn don 'Ráta Fostaíochta Iarchéime', agus d'ioncam céimithe (An Phríomh-Oifig Staidrimh).

Is Ollscoil diantaighde í Ollscoil Chathair Bhaile Átha Cliath agus tá roinnt Lárionad Taighde maoinithe ag SFI inti. Glacann an Ollscoil páirt i raon comhpháirtíochtaí taighde Eorpacha agus idirnáisiúnta. Is í Ollscoil Chathair Bhaile Átha Cliath an phríomh-ollscoil Éireannach i réimse an aistrithe teicneolaíochta mar a léirítear le ceadúnú maoinne intleachtúla.

Mar institiúid 'Tús Áite do Dhaoine', tá DCU tiomanta don Chomhionannas, don Éagsúlacht agus don Chuimsiú – Ollscoil a chabhraíonn le baill foirne agus le mic léinn rath a bheith orthu. Is ceannaire í an Ollscoil i dtéarmaí a cuid oibre chun rochtain ar oideachas a mhéadú, agus tá sí le háireamh i measc na hOllscoileanna is fearr ar domhan maidir le neamhionannais a laghdú i Ranguithe Tionchair an Times Higher Education.

Fiontar & Scoil na Gaeilge

Scoil ildisciplíneach is ea Fiontar & Scoil na Gaeilge atá aitheanta go hidirnáisiúnta ar chaighdeán na gclár a sholáthraítear inti agus ar nuálacht an teagaisc, an taighde agus an tsaothair atá ar bun ag an bhfoireann acadúil agus ag foireann na dtionscadal digiteach. Múineann foireann na Scoile modúil ar chlár laistigh de Dhámh na nDaonnachtaí & na nEolaíochtaí Sóisialta (BA Comhonóracha) agus in Institiúid Oideachais DCU (BEd [Bunscolaíocht], BEd i nGaeilge agus Francis/Gearmáinis/Spáinnis [Iarbhunscolaíocht], Máistreacht Ghairmiúil san Oideachas [Bunscolaíocht]). Tá an chlár fochéime eile seo á gcur ar fáil sa Scoil: BA Gnó & Gaeilge; agus dhá chlár iarchéime, MSc sa Ghnó agus Bainistíocht Dhigiteach, agus MA i léann na Gaeilge.

Próifíl an Róil

Beidh an té a cheapfar freagrach as réimse modúl trí mheán na Gaeilge a theagasc ar chlár na Scoile: BA Gnó & Gaeilge, BA Gaeilge, an MSc sa Ghnó agus Bainistíocht Dhigiteach, agus an MA i Léann na Gaeilge. Beifear ag súil go n-oibreoidh siad go dlúth le comhghleacaithe acadúla agus le páirtnéirí tionsclaíocha eile maidir le tionscnaimh a dhearadh chun tras-scileanna na mac léinn a chothú. Beidh siad rannpháirteach i ngníomhaíochtaí riaracháin agus seirbhíse na Scoile, na Dáimhe agus na hOllscoile, agus is chuig Ceann Scoile Fiontar agus Scoil na Gaeilge a thuairisceoidh siad.

Dualgais agus Freagrachtaí

Seo iad dualgais agus freagrachtaí an phoist ach ní teoranta dóibh seo a leanas atáthar:

Teagasc agus Foghlaim

- Na modúil a shainneoidh an Ceann Scoile a theagasc ar leibhéal ardchaighdeáin go beo nó ar líne, de réir mar is gá
- Obair ar mhodúil reatha a fhorbairt agus a shaibhriú
- Foghlaim éifeachtach na mac léinn a chothú i dtimpeallacht lán-Ghaeilge

Taighde agus Scoláireacht

- Cur le cultúr agus timpeallacht taighde na Scoile agus, de réir mar is cuí, comhoibriú ar thionscnaimh thaighde
- Cur le gníomhaíochtaí taighde amhail torthaí taighde a chur os comhair seimineáir taighde na Scoile, mar aon le bheith rannpháirteach i gcomhdhálacha, seimineáir agus imeachtaí acadúla in áiteanna eile
- Taighde a fhoilsiú sna hirisí acadúla cuí go náisiúnta agus go hidirnáisiúnta

Seirbhís don Ollscoil agus don tsochaí

- Comhoibriú le comhghleacaithe acadúla agus tionsclaíocha eile le tionscnaimh a chothaíonn trasscileanna na mac léinn ar chlár éagsúla a dhearadh agus a chur i bhfeidhm
- Bheith gníomhach ar na coistí, grúpaí oibre, agus cruinnithe cuí sa Scoil agus sa Dámh
- Bheith rannpháirteach in imeachtaí earcaíochta mac léinn a bhaineann le clár na Scoile
- Cur le cáil agus tionchar na Scoile trí bheith rannpháirteach in imeachtaí acadúla agus seachtracha
- Bheith rannpháirteach go rialta sa Chlár Forbartha Pearsanta

Scileanna, Taithí agus Cáilíochtaí

Beidh bunchéim onóracha agus cáilíocht (dochtúireacht inmhianaithe) i dTeangeolaíocht na Gaeilge nó i réimse ábhartha ag iarratasóirí ar an bpost seo. Ceapfar iarrthóirí gan cháilíocht dochtúireachta mar léachtóir faoi bhun an bhaic. Ní mór dóibh cumas sa Ghaeilge a bheith acu chun réimse modúl a theagasc ag leibhéal fochéime agus iarchéime, dualgais riaracháin a chur i gcrích, agus cur le clár taighde na Scoile. Is trí mheán na Gaeilge a phléifidh siad le mic léinn agus le foireann na Scoile. Ba bhuntáiste é taithí a bheith acu cheana féin ar theagasc ar an tríú leibhéal agus ar an teagasc i dtimpeallacht foghlama chumaisc. Ba chabhair é, freisin, an cumas a bheith acu modúil i réimse na teicneolaíochta agus corpas na Gaeilge a mhúineadh.

Oiliúint Riachtanach

Ní mór don sealbhóir poist an oiliúint chomhlíonta éigeantach seo a leanas a chur i gcrích: Ionductú, Sláinte agus Sábháilteacht, agus an Rialachán Ginearálta maidir le Cosaint Sonraí (GDPR). Is féidir go mbeidh oiliúint eile le cur i gcrích de réir mar is cuí.